

COMUN: I **sač dal ciomënt** vëgn indò partis fora de jenà por döt l'ann. Porchël é düc invia da passè te comun dai 12 ai 30 de jenà tratan les ores d'ofize (lönesc - vëndres dales 8.00 ales 12.30 y jöbia dales 14.00 ales 18.00) a tò i sač dal ciomënt ch'ai adorarà tratan l'ann 2015. Sce zacai ess da n'avèi massa püç, nen ciafi sambëgn inçe plü tert.

Les **iscriziuns por l'ann de scolina 2015/16** vëgn tutes sö a **San Martin** i dis 19 y 20 de jenà 2015 dales 14.30 ales 15.30 tla scolina a **Lungiarü** i dis 19 y 21 de jenà 2015 dales 9.00 ales 10.00 tla scolina. Recordèsse da se to do le numer dl codesc fiscal dl/a möt/a. Al po gni scrit ite i/les mituns/ans che complësc 3 agn cina ala fin de forà 2016.

Direziun Scores d'Al Plan: Lles **iscriziuns ala pröma tlassa dla scora elementara** por l'ann 2015/16 vëgn tutes sö te dotes les scores dla direziun en lönesc ai 19 de jenà, dales 14.45 ales 15.45. I mituns/les mitans nasciüs/nasciüdes danter le 01.09.2008 y i 31.08.2009 mës - i mituns/les mitans nasciüs/des danter le 01.09.2009 y i 30.04.2010 po - pié ia a scora de setëmber.

PLOANIES DA SAN MARTIN Y LUNGIARÜ

La Uniun dles Ères Catoliches Val Badia invieia düc i geniturs che à n pice möt da batié, përs che aspetta, toç y totes de nosc decanat ala **preparaziun al Bato**, che vëgn tignida en sabeda ai 24 de jenà dales 15.00 ales 17.00, te salf di stödafüch da San Martin. Prenotaziuns 0474 523 274.

Bel dilan a Christa, Natalie, Medali, Giulia S., Sara, Silvia, Tanja y Valentina dla Schira Jonila che à fat i **Trëi Resc**, l'ostaria Posta, chi che ti à paie la marëna y la pizza y düc chi che à contribuì a chësta gran aziun de solidarité. L'oferta gnüda ite y dada inant ala diozeja é de indöt € 4.858,26 (4.004,86 € tles ciases y 853,40 € te dlijia). Chi che oress, po ciamò ofri söl cunt "Bischöfliches Ordinariat" IBAN IT 56 T 03493 11600 000300202908 RZSBIT2B "Sternsingen" 2015. Sc'al foss gnü soraodü val' abitaziun, lascédele al savèi por n'atra ota. Te dlijia él ciamò scarnüc cun incënsa da ciafè cina en domënia ai 18/01. Bel dilan de osta gran generosité.

SAN MARTIN

Ofertes en recordanza dl defunt Bino Pedevilla por la dlijia da Paola Gasser; vijins Vantsch; fam. dl Tasser; fam. Ferdigg Preroman; fam. Paul Unterweger; Maria Trebo, Tor; Monica Frenes. - Bel dilan.

LUNGIARÜ

Proiet „Memoria Ladina“ Al vëgn recordè i dis de racoiüda publica ai 12, 13 y 14 de jenà tl salf dla ploania da Lungiarü. Por informaziuns y concordè n termo contatede Emanuel Valentin 333 69 19 097 o por email: memorialadina@av-aa.org internet: memorialadina.tumblr.com -----

Referat: "Ponsè positif" cun Alexander Liotto en dedemesaledema ai 14 de jenà dales 20.00 a San Martin tl salf di Stödafüch. Al vëgn dè informaziuns sura i cursc "Puoì guarire la tua vita", gnüs tignis da Louise Hay. Al gnarà presentè le pröm curs che insëgna le pinsier positif y al gnarà splighé coche chësc po se daidè tla vita da vigni dè. Le referat é davert a düc y gnarà tigni por talian.

Jogn, geniturs, insegnanc y düc i interessà é der bel invia ala presentaziun da pert de Christian Ortner dl **program "Baustelle Pubertät" söl tema "amizizia, amur, sessualité"**, che dèida informè i jogn y i acompagnè te chësta fasa zitia dla vita tres i valurs cristians. Le referat é ai 22 de jenà dales 20.00 tl salf de comun a S. Cristina. Sc'al vëgn desmostre interès, podéssel ester ch'al gniss metü a jì n curs cört de formaziun. Info 348 08 27 429.

11.1. - 18.1.2015 - nr. 7

Plata dla Cöra

termo por publiché: jöbia dales 20.00 de San Martin y Lungiarü

FESTA DL BATO DE GEJÙ - B

Merch 1,7-11

Te chël tēmp

⁷É lovè sö Jan tl desert y incundà:

Do mè nen vëgnel un che é plü gaiert co iö;
iö ne sun nia dëgn de me cufé por ti desciolè i cialzà.

⁸Iö ves à batié cun ega,
mo ël ves batiarà cun Spirit Sant.

⁹En chi dis é gnü Gejù da Nàzaret dla Galilea
y s' à lascè batié da Jan tl Iórdann.

¹⁰Y da gni fora d'ega odòl le cil che se daurì
y le Spirit gnon jö sön ël sciöche na colomba.

¹¹Y na usc dal cil dijò:

Tö es mi Fi bunorü, en tè ài ciafè plajëi.

*Tan scëmpl y nia compliché che le pröm di
vangelisc cunta:*

*Gejù va da Jan, se lascia batié y vëgn condüt
tl desert. Degöna discusciun cun Jan Batista,
degun discurs ala jënt dailò incëria, degönes
vocaziuns - Gejù ne dij gnanca na parora.*

*Tl pröm é Gejù bel su cun sè instës y cun so
Pere. Y ci ch'al alda da d'ël n'é por le momënt
degöna inciaria, mo n'assiguraziun:
"Tö es mi Fi bunorü."*



Döt ci che Gejù fej ti proscimi agn se basëia sön chësta esperiënza:

*Le Pere tl cil ti assigurëia so amur. Savon de ester bunorü dal Pere,
él Gejù che pordica, che varësc, che mör y ressource.*

Al é n'assiguraziun, na garanzia, che döt jarà fora bun.

Na inciaria apostà o n contrat de ci ch'al à da fà n'é nia debojëgn.

*Dala convinziun infora de avèi ciafè l'amur de Dì nàscel les dërtes parores
y les opres de buntè.*

*Tl amur de Chël Bel Dì podunse inçe nos confidé, deache Idì à "ciafè plajëi"
inçe te nos canch'i sun gnüs batià. (da image)*

Ploan: siur Iaco Ploner ploner.jakob@aruba.it
tel.: 333 48 32 765 / 0474 453 003

Redaziun: T. Gasser anton.gasser@rolmail.net
tel.: 348 27 44 517 / 0474 523 1

	SAN MARTIN		LUNGIARÜ
11.1.15 Domënia FESTA DL BATO DE GEJÛ - B	9.00 Corona 9.30 Gran Mëssa y presentaziun di Crejimané fam. Alfred Verginer (de rengraz.) + Isidoro Verginer (dla Uniun) + Angel Moling 11.00 Bato de Jacopo Gadda	11.1.15 Domënia	8.00 Corona 8.15 Gran Mëssa dla comunité
12.1.15 Lönesc <i>Tatiana, Hilda</i>		12.1.15 Lönesc	
13.1.15 Dedolönesc <i>Ilare, Gottfried</i>	9.00 Mëssa tla Ċiasa de Palsa + + Tone y Monica Tolpeit + siur Heinrich Videsott + Lena Prada 19.30 Mëssa fam. Albert Moling aniv. Fonjo Verginer + + Pia y Giovanni Trebo	13.1.15 Mertesc	
14.1.15 Dedemesaledema <i>Engelmar, Felize da Nola</i>		14.1.15 Mercui	7.30 Mëssa + Caterina Daverda Tatz 3 ^a de sopoltöra de Anna Chiusura + + geniturs de H. Frenademetz
15.1.15 Jöbia <i>Arnold Janssen, Romede</i>	7.30 Mëssa fam. Oswald Wasserer + + Cristina y Doro Verginer + + Paula y Pire Zingerle + Bino Pedevilla (dla Uniun) Corona por vocaziuns	15.1.15 Jöbia	
16.1.15 Vëndres <i>Teobald, Marzellus</i>	19.00-20.00 Adoraziun eucaristica chîta	16.1.15 Vëndres	7.30 Mëssa + Florino Mischi + + de Tini y Dorina Clara + siur Heinrich Videsott a d'intenziun pot düc i defuné da Misci
17.1.15 Sabeda <i>Antone Abat, Beatrix</i> 9.30 Mëssa de Sant Antone sö n'Antermëia	9.00-10.15 Incuntada di Cresimané te calonia 15.30 Mëssa tla Ċiasa de Palsa 18.30 Mëssa prefestia aniv. Vigile Moling aniv. Alfred Zingerle aniv. Maickol Bassutti	17.1.15 Sabeda	20.00 Mëssa prefestia + + Rita y Franz Pezzei + Emma Pezzei, Camura + + Franz y Veronica Costa + + fam. Carlo Castlunger
18.1.15 2^a Domënia ia por l'ann B Domënia dla Bibla	9.00 Corona 9.30 Gran Mëssa dla comunité	18.1.15 Domënia	8.00 Corona 8.15 Gran Mëssa dla comunité en onù de Sant Antone + Vito Clara + Ida Verginer + Rudi Moling